

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registровано kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RACUN: 3387302205238447, UniCredit banka d.d. Mostar, BiH

Vrsta dok.	Izdavač
DOP	5 01

Strana:
1 od 1

Broj protokola:

05-3-25-1-1535-18/25

JAVNO

DATUM: 12.08.2025. god.**PRIMALAC:** AEROING d.o.o. Zagreb
EUROING d.o.o. Bihać
IPSA INSTITUT d.o.o. Sarajevo**PREDMET:** Obavijest o izboru ponuđača u postupku nabavke: Projekat osvjetljenja platforme**VEZA:**

Poštovani,

Na osnovu člana 71. Zakona o javnim nabavkama ("Sl. glasnik BiH", br. 39/2014, 59/2022 i 50/2024), obavještavamo vas da je, nakon okončane procedure prikupljanja ponuda za nabavku: Projekat osvjetljenja platforme, provedene metodom Konkurentski zahtjev, na prijedlog Komisije za provođenje postupka nabavke, Odlukom v.d. direktora J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, prihvaćena ponuda IPSA INSTITUT d.o.o. Sarajevo.

S poštovanjem,

v.d. DIREKTOR-a



Sanin Ramezić

DOSTAVLJENO:

1. Ponuđaču/ima
2. Upravi Društva
3. Sektoru za administrativnu podršku
4. Sektoru razvoja, tehnike i standardizacije
5. a/a



Tel:

Fax:

E-mail:

INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	goc@sarajevo-airport.ba
WEB	www.sarajevo-airport.ba	/	/



DIREKTOR

Strana: 1 od 2

Broj protokola:

05-1-25-1-1535-17/25

JAVNO

Datum: 12.08.2025. godine

Na osnovu člana 70., a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo i člana 48. Statuta J.P. Međunarodni aerodrom „SARAJEVO“ d.o.o. Sarajevo, te Izvještaja i preporuke Komisije za provođenje postupka javne nabavke usluge: Projekat osvjetljenja platforme, broj: 05-3-25-1-1535-16/25 od 11.08.2025. god., v.d. direktora J.P. Međunarodni aerodrom „SARAJEVO“ d.o.o. Sarajevo donosi

ODLUKU

I

Za nabavku usluge: Projekat osvjetljenja platforme, prihvata se ponuda ponuđača IPSA INSTITUT d.o.o. Sarajevo, broj: 2250/25, zavedena na protokol J.P. Međunarodni aerodrom „SARAJEVO“ d.o.o. Sarajevo dana 28.07.2025. god., pod brojem: 06-1-25-1-1535-8/25, s ponuđenom cijenom u iznosu od: 10.000,00 KM (slovima: desethiljada KM), bez PDV-a.

III

Po proteku rokova za izjavljivanje žalbe, Naručilac će izabranom ponuđaču ponuditi zaključenje ugovora o nabavci iz tačke I ove Odluke, kojim će se regulisati međusobna prava i obaveze ugovornih strana.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku usluge: Projekat osvjetljenja platforme, v.d. direktora J.P. Međunarodni aerodrom „SARAJEVO“ d.o.o. Sarajevo donio je Odluku o pokretanju postupka nabavke, broj: 05-3-25-1-1535-3/25 od 02.07.2025. god. U skladu sa naprijed navedenom Odlukom, J.P. Međunarodni aerodrom „SARAJEVO“ d.o.o. Sarajevo (u daljem tekstu: Društvo) je na portalu javnih nabavki dana 07.07.2025. godine objavilo obavještenje o nabavci, broj: 246-7-2-433-3-144/25, te dana 17.07.2025. godine Ispravke obavještenja broj: 246-7-2-433-8-153/25 i broj: 246-7-2-433-8-154/25. Rješenjem, broj: 05-1-25-1-1535-6/25 od 17.07.2025. god., imenovana je Komisija za provođenje postupka.

Do ostavljenog roka za predaju ponuda, 29.07.2025. god., do 12,00 sati, na adresu Društva ponudu su dostavila tri ponuđača, i to: AEROING d.o.o. Zagreb, EUROING d.o.o. Bihać i IPSA INSTITUT d.o.o. Sarajevo. Na javnom otvaranju ponuda, održanom isti dan u 12,30 sati, bez prisustva predstavnika ponuđača, pročitani su nazivi ponuđača i ponuđene cijene, i to:

- AEROING d.o.o. Zagreb: 4.965,00 EUR (9.710,69 KM), bez PDV-a;
- EUROING d.o.o. Bihać: 8.800,00 KM, bez PDV-a i
- IPSA INSTITUT d.o.o. Sarajevo: 10.000,00 KM, bez PDV-a.

Nakon javnog otvaranja ponuda, Komisija se sastala radi detaljne analize ponuda, te je konstatovala sljedeće:

AEROING d.o.o. Zagreb, Republika Hrvatska

Prilikom detaljnog pregleda ponude, Komisija je konstatovala da ponuđač nije pripremio ponudu u skladu sa zahtjevima tenderske dokumentacije. Konkretno, u pitanju su sljedeći nedostaci:

- Aneks I – Obrazac za ponudu nije potpisan, iako je u tački 2.1 pod c) tenderske dokumentacije izričito zahtijevano „Popunjen, potpisan i ovjeren Obrazac za ponudu (Aneks I).“
- Aneks IV – Izjava o ispunjavanju uslova iz člana 45. Zakona o javnim nabavkama BiH nije u potpunosti popunjena, nije potpisana, niti ovjerena kod nadležnog organa, iako je u tački 2.1 pod f) tenderske dokumentacije jasno navedeno „Popunjena, potpisana i ovjerena Izjava o ispunjavanju uslova iz Čl. 45. ZJN (Aneks IV). Izjava mora biti ovjerena kod nadležnog organa.“
- U tački 2.1 pod i) tenderske dokumentacije propisano je da ponuđač dostavi original ili ovjerenu kopiju važećeg ovlaštenja Federalnog ministarstva prostornog uređenja (FMPU) za obavljanje djelatnosti projektovanja, za odgovarajuće radove. Ponuđač je dostavio neovjerenu kopiju, koju je samo ovjerio pečatom firme, bez ovjere nadležnog organa.
- U tački 2.1 pod j) tenderske dokumentacije zahtijevano je da se dostavi lista uposlenika angažovanih na izvršenju ugovora, uz ovjerene kopije dokaza o stručnoj osposobljenosti (diplome i uvjerenja o položenom stručnom ispitu), te dokaz o njihovom radnom angažmanu (lista osiguranika PIO/MIO, porezne uprave ili odgovarajući ugovori o poslovno-tehničkoj saradnji). Međutim:
- Za inženjera Zdenka Balaža dostavljena je neovjerena kopija uvjerenja o položenom stručnom ispitu.
- Za inženjera Antu Smolića dostavljene su neovjerene kopije diplome i stručnog ispita.
- Nije dostavljen dokaz o radnom angažmanu za uposlenike u stalnom radnom odnosu (lista osiguranika ili ekvivalentni dokument), dok je za inženjera Antu Smolića dostavljena obična kopija ugovora o poslovno-tehničkoj saradnji.

Imajući u vidu sve navedeno, a na osnovu člana 2. stav (1) tačka I) i člana 68. stav (4) tačka i) Zakona o javnim nabavkama BiH, Komisija je predložila da se ponuda ocijeni kao nepravilna i neprihvatljiva.

EUROING d.o.o. Bihać

Komisija je prilikom detaljnog pregleda ponude izvršila provjeru ispunjenosti uslova iz tačke 2.1 pod h) tenderske dokumentacije, prema kojoj je ponuđač bio dužan dostaviti potvrdu o dobro izvršenom poslu izrade projekta aerodromske rasvjete, izdatu od druge ugovorne strane, kojom se potvrđuje da je u posljednje tri godine, počevši od dana dostavljanja ponude, ponuđač uspješno realizovao jedan takav ugovor ukupne vrijednosti ne manje od 5.000,00 KM bez PDV-a.

Ponuđač je dostavio potvrdu za uslugu revidiranja (usklađivanje projektno-tehničke dokumentacije) Glavnog projekta Međunarodnog aerodroma Bihać. U potvrdi se navodi da se dio ugovorenih usluga odnosi na pružanje usluga izrade projekta aerodromske rasvjete.

Međutim, potvrda o izvršenoj reviziji projekta ne može se smatrati validnom zamjenom za potvrdu o izradi projekta, jer se radi o dvije različite faze u procesu izrade tehničke dokumentacije:

- Izrada projekta – obuhvata izradu glavnog projekta od strane ovlaštenog projektanta (ili projektantskog tima), koja završava izdavanjem potvrde o izradi projekta, kojom projektant potvrđuje da je projekt izrađen u skladu sa važećim zakonima, normama i propisima;
- Revizija projekta – vrši se nakon izrade projekta, od strane neovisnog revidenta, s ciljem provjere usklađenosti projekta sa zakonima, tehničkim normama, sigurnosnim zahtjevima i sl. Potvrda o reviziji ne potvrđuje samu izradu projekta, već njegovu provjeru.

Shodno navedenom, potvrda o reviziji ne može zamijeniti potvrdu o izradi projekta, jer predstavlja drugačiju vrstu dokumenta i dokaza, sa različitim odgovornostima i fazama projektantskog procesa.

Imajući u vidu da dostavljena potvrda ne ispunjava jasno definisane zahtjeve tenderske dokumentacije, Komisija ocjenjuje da ponuđač nije dostavio traženi dokaz o referenci.

Imajući u vidu sve navedeno, a na osnovu člana 2. stav (1) tačka I) i člana 68. stav (4) tačka i) Zakona o javnim nabavkama BiH, Komisija je predložila da se ponuda ocijeni kao neprihvatljiva.

IPSA INSTITUT d.o.o. Sarajevo

Nakon pregleda ponude u skladu sa članom 65. stav (1), a imajući u vidu da ponuda ispunjava zahtijevano tenderskom dokumentacijom, Komisija je predložila da se ponuda proglasi formalno-pravno, tehnički i računski prihvatljivom.

Za ovaj postupak bila je predviđena e-aukcija, ali imajući u vidu da je zaprimljena samo jedna prihvatljiva ponuda, ona nije održana. S obzirom na sve naprijed navedeno, Komisija je predložila Upravi Društva da se ugovor za predmetnu nabavku, u iznosu od 10.000,00 KM, bez PDV-a, dodijeli ponuđaču IPSA INSTITUT d.o.o. Sarajevo.

V.d. direktora je razmotrio Izvještaj i preporuku Komisije, te je, nakon uvida u provedeni postupak, istu i prihvatio, pa je, na osnovu člana 70. Zakona o javnim nabavkama, a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo, donio Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

v.d. DIREKTOR-a

Sanin Ramezić



Prilog: Zapisnik o pregledu i ocjeni ponuda;

DOSTAVLJENO:

1. Ponuđaču
2. Kabinetu direktora (orig.)
3. Sektoru za administrativnu podršku
 - Služba nabavke (orig.)
 - Služba za pravne poslove i protokol
4. Sektoru razvoja, tehnike i standardizacije
5. a/a